

**Ն. Ս. Օ. Տ. Տ. ԳԱՐԵԳԻՆ Բ. ԱՍԵՆԱՅՆ ՎԱՅՈՑ ԿԱԹՈՂԻԿՈՍԻ
ՊԱՏԳԱՍԸ ՎԱՆՐԱՊԵՏԱԿԱՆ ՍԱՂԹԱՆՔԻ ԸՆԹԱՅՔՈՒՄ**
(Շուշի, 5 սեպտեմբերի, 2016 թ.)

Յանուն Հօր եւ Որդոյ եւ Հոգւոյն Սրբոյ. ամէն:

*«Եւ այս է այն յաղթութիւնը,
որ յաղթում է աշխարհին՝ մեր Հաւատքը»
(Ա. Յովհ. Ե. 4):*

*Մեծարգո Տիար Բակո Սահակյան, Նախագահ ԼՂ Հանրապետության,
Գերագոյն Հոգեւոր խորհրդի անդամներ՝
Գերաշնորհ Հայրեր եւ հարգարժան Տիարք,
Սիրելի բարեպաշտ ժողովուրդ,*

*Գոհություն ու փառք ենք մատուցում Տիրոջը, որ առիթն ունենք
Գերագոյն Հոգեւոր խորհրդի անդամների հետ գտնվելու օրհնյալ մեր
Արցախ աշխարհում եւ ազատագրական մեր պայքարի խորհրդանիշը
հանդիսացող Շուշիի Սուրբ Ամենափրկիչ Ղազանչեցոց եկեղեցում կա-
տարելու Հանրապետական մաղթանք՝ հայցով առ Աստված, որ խաղաղ
ու անվրդով պահի Արցախի ու Հայաստանի սահմանները եւ Իր արարչա-
կան սերն ու խնամքը հովանի դարձնի հերոսական արցախահայտնությունը:*

*Այս օրերին մեր ժողովուրդը տոնախմբում է Արցախի անկախու-
թյան 25-րդ տարեդարձը՝ պանծալի հոբելյանը մեր նորօրյա պատմու-
թյան ամենանշանակալի իրադարձություն: Մենք վերստին արժեւորում
ենք մեր հաղթանակներն ու ձեռքբերումները եւ խոնարհումով հիշում
մեր բոլոր հերոսներին, ովքեր իրենց կյանքն ընծայեցին հանուն Արցախի
ազատության եւ մեր հայրենիքի ապահովության:*

*Նախորդ երկուսուկես տասնամյակները եղան Լեռնային Ղարաբա-
ղի Հանրապետության անկախության զորացման եւ հաջողությունների
աստիճանական ամրապնդման տարիներ: Ապրիլյան վերջին իրադարձու-
թյունները, սակայն, եկան հավաստելու, որ մենք տակավին մեծ անելիք-*



«Արցախի այս սուրբ հողում երբևէ չի տկարացել հայի հավատքն ու հայրենասիրությունը: Մեր երկրատեւ պատմության ընթացքում մեկ անգամ չէ, որ թշնամիները բախվել են արցախահայության աննկուն կամքին եւ ընկրկել նրանց խիզախության առջեւ»
(Ն. Ս. Օ. Տ. Տ. Գաբրեղին Բ. Ամենայն Հայոց Կաթողիկոս)



«Մենք վերստին արժեւորում ենք մեր հաղթանակներն ու ձեռքբերումները եւ խոնարհումով հիշում մեր բոլոր հերոսներին, ովքեր իրենց կյանքն ընծայեցին հանուն Արցախի ազատության եւ մեր հայրենիքի ապահովության»
 (Ն. Ս. Օ. Տ. Տ. Գարեգին Բ. Ամենայն Հայոց Կաթողիկոս)



«Հայրական սիրով Մեր օրհնությունն ու բարձր գնահատանքն ենք բերում մեր փառապանծ բանակի սպաներին ու մարտիկներին՝ աղոթքով, որ Տերը ամուր ոգով ու հաղթական բազկով պահպանի մեր հայրենյաց պաշտպաններին»
 (Ն. Ս. Օ. Տ. Տ. Գարեգին Բ. Ամենայն Հայոց Կաթողիկոս)

ներ ունենք Արցախի պետականության ամրապնդման եւ մեր հայրենքի սահմանների անվտանգության ապահովման գործում: Թշնամու անընդմեջ ոտնձգությունների պայմաններում պիտի շարունակենք միասնաբար զորացնել մեր բանակը, շենացնել ու հզորացնել Արցախը՝ ապավեն լինելով արցախահայությունը, որ հակառակ ամեն դժվարությունների՝ շարունակում է հերոսաբար տոկալ եւ իր հարազատ հողի վրա կառուցել իր բարօր ապագան:

Արցախի այս սուրբ հողում երբեւէ չի տկարացել հայի հավատքն ու հայրենասիրությունը: Մեր երկրատեւ պատմության ընթացքում մեկ անգամ չէ, որ թշնամիները բախվել են արցախահայության անկուռ կամքին եւ ընկրկել նրանց խիզախության առջեւ: Այստեղ ապրող մեր ժողովուրդը երբեք չի համակերպվել եւ չի համակերպվելու անարդարության ու բռնությունների հետ: Առաքելական մեր Սուրբ Եկեղեցին աշխարհասփյուռ իր թեմերով ու եկեղեցական կառույցների ամեն հնարավորությամբ ձեր կողքին է, սիրելի՛ քաջարի արցախցիներ՝ մշտապես սատար ու աջակից Լեւոնային Ղարաբաղի Հանրապետության միջազգայնորեն ճանաչման եւ Արցախում արժանապատիվ կյանքի կառուցման ջանքերին:

Անցնող 25 տարիներին Արցախը դարձել է ոգին մեր ժողովուրդի, ոգին միասնականության եւ խորհրդանիշը մեր հաղթանակների, խորհրդանիշը՝ ազգային մեր զարթոնքի: Արցախի շուրջ համախմբվել է ջանքն ու ջիղը համայն հայության, թեւ առել հաղթանակների վստահությունն ու տեսիլքը: Արցախը սրտում է համայն հայության, որը նրա անկախության պաշտպանն ու երաշխավորն է:

Տարակույս չունենք, որ արցախյան հիմնախնդիրը մեր ժողովուրդը առ Աստված ապավինություն բռնողորդելու է բարվոք լուծման: Առաքյալի խոսքի համաձայն՝ «Եւ այս է այն յաղթութիւնը, որ յաղթում է աշխարհին՝ մեր հաւատքը»: Մեր կրած դառնությունների, զրկանքների ու չարչարանքների, մեր թանկ զոհողությունների դիմաց՝ այս սուրբ հողում ընդմիշտ շարունակելու է ծաղկել հայոց հավատքը եւ այդ հավատքով շաղախյալ հայ կյանքը: Մեր վանքերում նորանոր ընտանիքներ են օրհնվելու, եւ հայ մանուկներ են մկրտվելու մեր եկեղեցիների սուրբ ավագաններում՝ նոր շունչ բերելով մեր կյանքին, շունչն ու ոգին վառ հավատքի, պայծառ մտքի, արարումի ու առաջադիմության:

Այս զգացումներով եւ Բարձրյալի զորակցության հայցով Հայրապետական Մեր օրհնությունն ենք բերում Լեւոնային Ղարաբաղի Հանրապետության նախագահ Տիար Բակո Սահակյանին, պետական ավագանուն՝

մաղթելով նոր ձեռքբերումներ իրենց հայրենաշեն գործերում: Հայրական սիրով Մեր օրհնությունն ու բարձր գնահատանքն ենք բերում մեր փառապանծ բանակի սպաներին ու մարտիկներին՝ աղոթքով, որ Տերը ամուր ոգով ու հաղթական բազկով պահպանի մեր հայրենյաց պաշտպաններին եւ իր Աջի Հովանու ներքո հեռու պահի վտանգներից ու փորձություններից: Մեր օրհնությունն ենք բերում Արցախի թեմի առաջնորդ Գերաշնորհ Տ. Պարգեւ արք. Մարտիրոսյանին եւ թեմի հոգեւոր դասին՝ հայցելով Տիրոջ շնորհները մեր ժողովրդի հոգեւոր կյանքի շնացման նվիրական առաքելության մեջ:

Հայրապետական Մեր գնահատանքն ու օրհնությունն ենք բերում Արցախի հերոսական մեր ժողովրդին: Սիրելիներ, շարունակեք ապրել սիրով առ Աստված, առ մեր Սուրբ Եկեղեցին եւ հայրենիքը, առաջ ընթացեք աներկբա հույսով, որ մեզ բաժին ընկած ցանկացած փորձության միջից, ինչպես առաքյալն է ասում՝ էլ ավելի հաղթական ենք դուրս գալու մեր Տիրոջ միջոցով, Ով սիրեց մեզ (Հմմտ. Հռոմ. Ը. 37):

Ի խորոց սրտի աղոթում ենք մեր հայրենիքի խաղաղության, մեր սահմանների ապահովության համար, վերստին Աստծո զորակցությունը հայցում մեր քաջարի սպաներին ու զինվորներին, Արցախի բնակավայրերում իրենց ստեղծարար կյանքով ապրող մեր ժողովրդին զավակներին:

Թող ամենակալ Աստված օրինի Հայաստանն ու Արցախը եւ սպասեն լինի մեզ ամենքիս՝ ի կայրար ւածելու մեր ազգային իղձերն ու նպատակները. ամեն:

